

# 安陽縣志

卷首至卷四

# 安陽縣志序

嘉慶安陽縣志前知縣長寧趙君希璜主修河間紀相國集載有序文頗極推重至以楷模許之余承乏此土求所謂趙志無復存者問鋟版則收入歸裝載之去矣趙君本知名士復延偃師徵君武虛谷先生代爲捉刀聞山川古蹟地理形勝以至金石之搜剔稗野之舊聞皆徵君手輯之徵君子小谷明府余廿年至契也因走書小谷携舊藏刊本來鄴共相商榷欲以廣趙君之傳且以補此邦方志之遺也遂開館於去年夏五月並集人士之有學行而足以取重於鄉里者細心採訪凡四閱月而藏厥事今夏四月小谷旋自都門復留以校讐雕本又四閱月乃裒然成書一切體例俱仿趙書之舊其缺如者補之如欽定皇輿表趙君或未之見簡王世系表則攸關於此邦之故實不容脫遺也濫入者刪之如張大象大素諸人唐書附公謹傳後公謹魏州繁水人在隋唐爲今內黃縣源光裕附乾曜傳後唐書則直云相州臨漳人與安陽更無關涉則又不容不亟爲釐剔也列朝達人通士嘉言懿行凡登於史策見於舊乘者既依據詳載而嘉慶四年後之人物科名義士節女亦復彙登無遺善善從長將於斯邦之人有厚望焉昔衛正叔註禮記謂人之著書惟恐不出於己我之著書惟恐不出於人此焉之役每有引證無不推明所由起或

亦差免剽襲之誚。若謂知人而論世。當名而辨物。居然以方志自信。是又余與小谷所爭  
滋愧者矣。嘉慶二十四年八月鐵嶺貴泰序

呈閱

欽命

兵部侍郎兼都察院右副都御史巡撫河南等處地方兼提督銜節制全省軍務並駐防滿營官兵兼理河道加十級紀錄十次

琦善

滿州正黃旗人廕生

欽命

河南等處承宣布政使司陞任湖南巡撫吳邦慶

順天府霸州人

丙辰進士

欽命

河南等處承宣布政使司布政使加十級紀錄十次

廉奇瑜

四川秀山人已酉拔貢

欽命

河南按察使司按察使調任湖南按察使司敦良

滿州正紅旗人

生員

欽命

河南南汝光道署河南等處提刑按察使司按察使加十級紀錄十次

查廷華

安徽涇縣人監生

欽命

河南開歸陳許道署河南等處提刑按察使司加十級紀錄十次

謝學崇

江西南康人壬戌進士

欽命

河南通省糧儲鹽法道加十級又軍功加一級隨帶紀錄十次

張翹

山東平原人甲辰進士

欽命

按察使銜河南分守河北彰德懷三府兼管河務驛傳兵備道加十級紀錄十次

趙麟

浙江仁和人丙辰進士

纂修姓氏

監修

彰德府調陞開封府知府

林

嵐

曉岑順天宛平人監生

彰德府

知府

府

慶

福

餘村滿州正白旗人筆帖式

彰德府

通判

判

陳

燾

員甫廣東興寧人孝廉方正

總修

安陽

縣知縣

貴泰

春臺鑲白旗漢軍慶齡  
佐領下人貢生

參修

彰德

府學教授

王淮源

松亭許州人  
戊辰進士

彰德

府學訓導

劉逢申

新安人  
廩貢生

安陽

縣學教授

鄧萬吉

薊田項城人  
癸卯貢士

安陽

縣學訓導

呂含章

蔚齋南陽人  
戊申貢生

安陽

縣丞

蔡鴻翥

夢塘浙江桐鄉人  
監生

督梓

安陽

縣典史

裘彪

蔚齋江西新城人  
監生

總纂

江西

候補知縣

武穆淳

小谷偃師人  
丁卯貢士

總校

登封

縣學訓導

高得雋

桐齋安陽人  
辛酉貢士

安陽縣學增廣生員

柴景堂

望之安陽人

採訪事實

總職

千進舉恩恩拔副副歲廩增

膳廣

貢貢貢貢貢貢

生

衛士人生生生生生生生員

張儒 辛翔 郝鳴皋 朱衣錫 閻鵬翔 許天鵠 朱仲樞 任士昌 仝士俊 王吉六 辛翹

安陽人 安陽人 安陽人 安陽人 安陽人 安陽人 安陽人 安陽人 安陽人 安陽人 安陽人

# 安陽縣志例

安陽縣知縣鐵嶺貴 秦纂

一嘉慶安陽志纂修於嘉慶四年，長寧趙君希璜主其事，蓋仿元和郡縣志、元豐九域志，特以紀元標首，第考地理者，統覈一代之疆域沿革，裒爲成書，若縣志則限於一邑，似不必過於籠統，蹈泥古之誚。今斯纂止標曰安陽縣志，而於因仍其舊者，則書原纂，今增續者，則書補纂，逐卷標明，庶昭不沒人善之義。

一原纂域志首明圖繪，計里開方，爲總圖，以徵山川險易爲分圖，以志莊里遠近。凡有徵發期會，視爲程限，大足裨於政要，茲仍其舊，毋事另爲更易。

一歷代史家於古今人物宰輔爵封，皆爲立表，旁行斜上，展卷明晰。康熙間

欽定皇輿表，考覈精審，爲後之言地志者奉爲楷模。茲將安陽縣分域，敬謹繕寫，首載今攷定疆域表前，而於職官選舉，原纂已爲立表者，概從其舊，錯訛者釐正之。惟於四年之後，應行補入者，按冊續增，不使稍有漏遺。

一原纂爵封表，於勝國分藩，止載趙王厚煜及其曾孫二人，餘俱以嗣續有過刪去。既於受封始末，無繇稽考，且嫌於去取臆憑，乖於考鏡得失之意。茲採明史爲之詳立譜系。

務使世次井井，令閱者開卷瞭如。

一縣之勲封恩蔭，俱由其子若父爵位推恩以及，原纂載卷首圖表之後，殊嫌突如，今更定於選舉表後，俾知其出身有自，歸於以類相從之義。

一原纂人物，有見於崔氏、鄴乘、舊郡志、盧府志、陳縣志者，各以諸本斷次先後，其自行補入者，另爲一卷，朝代紊亂，閱者最易混目，今歸併以歷代編年，叙次先後，惟於每傳下標明所引原委而已。

一原纂仿齊乘之例，凡人物見於史傳者，惟書名字，註明某史有傳，以爲人物眾盛，具書全文，有同抄胥，不知全史卷帙浩繁，誠難家有其書，如附縣志刊行，卽寒素亦得景行先達，有功士林，無逾於此，又於

清朝人物，止爲侍郎許三禮、巡撫周岐田、鳳儀三人立傳，茲將已登入府志前縣志者，盡數補入，仍謹延採訪，確詢輿評，務使善善從長，近於發潛，闡幽之道。

一原纂踵前志之失，於唐代人物，濫收張公謹三子、大象、大素、大安並大安子悱四人，又源光裕暨光裕子源洧二人，按唐書大象諸人俱附張公謹傳，魏州繁水人，卽繁陽，在隋唐爲今內黃縣，與安陽無涉，光裕附源乾曜傳，則直云相州臨漳人，與安陽更

無涉矣，故俱不登載。

一原纂循政記，載入此邦列女節孝之間，殊嫌夾雜，且所載列女節孝事跡，亦無分畛域，今分循政記另爲一卷，列女節孝併爲一門，以歸畫一。

一原纂地理、建置、田賦、渠田、典祀、兵防、古跡各志，徵引繁富，考覈詳明，今刻悉仍其原，略加讎正，既省繙閱之勞，且救謏陋之失，津逮枵腹，誠非淺鮮。

一原纂爲前修縣志者馬國楨、陳錫輅於志末立傳，以其曾盡採摭之勤，藉見淵源承續之義，但於創修繼續諸君，究未賅備，今爲補志原一門，自宋相台志而後，存帙俱可徵見，原叙亦以類附焉。

一較原纂於建置內，補學宮、考學宮外，補學校志，徇輿論也。

一近今方志藝文，附刻毫無關涉之詩文，殊無意味，原纂蒐羅金石遺文備錄，俾後之徵文獻者，有所取資，且以羽翼藝文之闕，立義最爲通備，今悉遵照刊行卷次，俱仍其舊。

一原纂凡例九事，仍弁卷首，使閱者知前後意見之異而實同，亦惟求於一是而已。

# 嘉慶安陽縣志原例

前任安陽縣知縣長寧趙希璜原修

一志域地、首明圖繪、自唐志州縣各有圖經、五年乃修歲與版籍偕上、嗣是方志多依此例、今計里開方、爲總圖以徵山川險易、爲分圖以志莊里遠近、凡縣有徵發追逮、視爲程限、深足裨於政要、

一史家立表、年經月緯、期於詳略互見、今採職官無事跡可見者、惟書其名籍、其惠澤一方、吏民稱頌、卽列入循政記、縣之人物、亦仿此例、既有選舉表標名、更集小傳以備徵遺、

一爲書各有義例、偏方陋邑人物、見之史傳、不妨備錄、若安陽歷代顯人、表目正史、難以僕數、具書全文、有同抄胥、節存數事、亦不歸體要、今依齊乘之例、凡史有傳者、惟書名字、註某史有傳、

一編錄取諸徵實、地理、典祀、諸志、旣取史傳、及掌故各書、或文集碑刻、省志、府志、縣舊志、亦採摭不遺、庶免鑿空、

一祠祀、遵照會典、分列上祀、中祀、羣祀之目、以昭典禮、

一縣境南接湯陰、東北與內黃、臨漳錯壤，其間村墟改隸改併，以致古跡往往互易。茲編具徵舊聞，取以入志，如鯨堤、西河及銅雀臺，三縣雖已收錄，而宋人言地理者，悉指爲安陽，今仍存一二。

一史爲自叙序傳，以見家法相承。縣志先後踵修諸君，皆盡採摭之勤，故於志末爲傳，具書名氏里籍，創修續修年月，錄其原序，以合史氏因文爲傳之義。

一金石刻流傳，裨於方志，自酈氏注水經，書某碑在某所，後人即可推識舊跡，有所因依。茲特爲採輯，皆關要據，故不憚瑣細具錄。

一例皆舊志所未發，故略見端，若因文見義，皆存各篇，解人自解，不蹈贅言。

安陽縣志卷首

河南安陽縣知縣臣貴 秦恭紀

聖制紀

韓琦論

乾隆十五年九月

夫爲人臣者，當國家清夷之際，進言納諫，理國致治，固一代名臣也。然值主幼時難之日，而能不動聲色，措天下於泰山之安者，則又所謂國之柱石棟梁，非具經濟之才，學問智勇，迥出流輩者，不能。韓魏公兩定大計，輔相英宗，調護兩宮，處之裕如，天下以治，豈非國之柱石棟梁，而天下倚賴以安者哉？及神宗卽位，出之於外，然未嘗頃刻有忘君父之心，故青苗之法，琦極論其病民，遼使之來，琦上言處置之方，最爲曲盡，誠可謂古大臣矣。當仁宗中年，雖君子道長，而小人時或並用，及嘉祐以後，專任魏公，朝廷清明，天下樂業，英宗卽位，又用之不疑，君子在朝，用臻至治，故用賢人者，必使小人無以間之，然後疑貳之心不生，而嚮用之念彌篤也。

韓琦贊

乾隆十五年九月

奕奕相州，維天之中，孕祉敏靈，間氣所鍾，爰生魏公，金堅玉潤，相厥明時，輔成景運，弱冠

登第、聿見嘉祥、雲輝日下、五色呈光、大材不器、小用亦效、西夏寒心、兩宮諧孝、齊範篤富、宏展經綸、臨事決疑、正笏垂紳、皎皎易汗、嶢嶢易缺、維公德量、山崇海濶、材既軼世、學亦通方、光輝事業、燦爛文章、肫然而仁、毅然而醇、猗歟魏公、古之名臣、

祭韓琦墓文

乾隆十五年九月

惟爾德器恢宏、勲庸炳煥、早年唱第、祥徵捧日之雲、前席陳詞、夙具回天之力、匡扶社稷、揚光訓於兩朝、澤潤生民、活遺黎者百萬、處危疑而不懼、操心則純粹以精、獻臣子所難言、秉節則直方而大、樹嘉祐治平之偉績、紀在太常、建涇原秦鳳之威名、膽寒西寇、朕省方豫省、道出相州、緬畫錦之遺堂、過安陽之故里、星還箕尾、感櫪馬以皆鳴、靈毓山河、撫隴松而如在、爰脩秩祀、用遣專官、神如有知、尙其歆格、

過漳河詩

乾隆十五年九月

一水分燕豫、提封制度周、當秋巡狩處、自古帝王州、務本民風厚、崇廉吏計修、益須持後效、方足慰先憂、休助予常切、旬宣汝善求、滌場欣遇稔、供帳戒從優、河水安瀾遠、嵩陽瑞靄浮、閭閻疾苦隱、道左共諮諏、

豐樂鎮

乾隆十五年九月

一橋接兩堤，兩省限一水。迎者旣紛來，送者亦旋止。守臣有爾我，予心何彼此。周禪寰海內，孰非我赤子。中州方初至，按轡咨民事。叶夾道老幼填，瞻就近尺咫。蠲租早頒學，賜金每問齒。笑譁奚必禁，奔走紛未已。其數無慮萬，一一色含喜。嗟予有何德，子來乃爾爾。寒所衣者帛，饑所食者米。比戶日所需，直貴固其理。旣庶而旣富，曰教思所以。擾之愛亦害，循之順匪弛。是處名豐樂，高廩慶亦有。叶顧名心倍欣，熙世無過是。伊洛周鄭間，結攬從茲始。

安陽道中覽古

乾隆十五年九月

翠罕度安陽，秋暄曉露灑。韓陵一片石，畫錦數間堂。建置相還鄰，軍期項與章。考尋閒按轡，要務讓農桑。

大生寺

乾隆十五年九月

秋月安陽路，蘭若經未入。小陽迴蹕便，意行聊訪及。龍宮入部衛，雁樓三十級。數間靜室幽，竹陰成小立。過眼雲外賞，翻覺勞補葺。

渡漳河

乾隆十五年九月

中上周巡一月強，浮橋迴首望安陽。往還節換秋冬候，迎送疆分清濁漳。拍岸沙痕依次

退、繡、膝、麥、色、較、前、長、時、平、到、處、均、繁、庶、益、切、持、盈、祝、歲、穰、

安陽縣志

篇目

卷目

卷首

凡例  
原例

聖製紀

卷一

縣署圖 縣學宮圖

卷二

欽定皇輿表 沿革表 爵封表 明趙王世系表

卷三

職官表

卷四

選舉表 勳封 恩廕附

卷五

地理志 上 沿革 疆域 山川

卷六

地理志 下 渠田

卷七

田賦志

卷八